



Notísia HANDS

Anuál 2023

Benvindu mai notísia dahuluk hosi Ministériu Edukasaun nia programa HANDS! Iha edisaun ida-ne'e, ita sei hetan informasaun kona-ba programa nia atinjimentu husi tinan fiskál 2023. Ami kontente bele fahe ida-ne'e ho Ita-boot sira kona-ba pasu importante ida ne'ebé ami halo ona ba labarik sira iha Timor-Leste. Serbisu hirak-ne'e hetan apoiu hosi ami-nia parseiru sira.

Edukasaun iha uma ba labarik sira iha Timor-Leste

Iha tinan 2022 Governu Timor-Leste aloka orsamentu ratifikativu **millaun 2.1** hodi implementa programa Eskola iha Uma (EiU). EiU fornese edukasaun alternativa ba labarik sira iha Dili ne'ebé seidauk hetan asesu ba pre-eskolár ka klase primeiru hosi ensinu báziku. Meta prinsipál hosi programa ida-ne'e maka atu hasa'e inskrisaun ba labarik sira husi tinan 5 to'o 7 iha pre-eskolár no ensinu báziku, liuliu ba sira ne'ebé la hetan asesu ba eskola, ka husik eskola ona.

Hafoin lansamentu EiU iha 2022, programa hetan envolvimentu ho partisipante barak, inklui labarik, manorin no inan-aman sira. Labarik hamutuk **na'in-1.050** mak hetan benefísiu hosi programa ne'e, hamutuk ho manorin **na'in-94**, ne'ebé hetan formasaun hosi fasilitadór sira iha INFORDEPE hodi asegura qualidade ba implementasaun programa refere.

Manorin liu na'in-900 hetan benefísiu hosi treinamentu kona-ba literasia sedu

Iha tinan fiskál ida-ne'e, **manorin iha pre-eskolár liu 900** iha munisípiu 13 iha Timor-Leste hetan ona treinamentu enkuadramentu kurikulu mestre nian kona-ba Dezenvolvimentu Linguajen no Literasia Sedu, ida ne'ebé sai hanesan foku iha tinan 2023.

Periodu datoluk ba treinamentu hirak-ne'e hala'o iha fulan Dezembru 2023 no atende hosi **manorin liu nain 800**.



Vídeo Mundu Labarik



Sesaun tolunulu hosi Programa Mundu Labarik aprova tiha ona no vídeo sira-ne'e fahe tiha ona online liuhusi kanál Youtube no televizaun iha RTTL. Versaun badak sira, ne'ebé edita ona hodi atrai ami-nia audiénsia nia atensaun, fó sai ona iha HANDS nia pájina Facebook, no ema **na'in-27.000** resin mak haree ona!

Tanba haksolok husi ami-nia eventu ne'ebé furak tebes, Mundu Labarik formalmente lansa iha serimónia graduasaun Eskola iha Uma nian iha loron 15 fulan-abril 2022 iha Timor Plaza. Besik ema **na'in-2.000** tuir lansamentu ne'e, no ema **na'in-750** konsege haree sesaun Mundu Labarik iha ekrán boot iha Cineplex.

Harii fatin-halimar (parke infantil) hamutuk 127 iha munisípiu 13

Halimar-fatin sira mak importante tebes ba labarik nia rahun-di'ak, tanba halimar iha halimar-fatin fó biban ba labarik sira atu dezenvolve sira-nia abilidade kognitivu, emosional, sosiál, no mós hamosu kreatividade oioin hosi labarik sira. Halimar iha halimar-fatin sai fatin favoritu ba labarik sira no atrai labarik sira-nia partisipasaun iha pre-eskolár.

Komponente Parque Infantil hosi Programa HANDS atinji ona marku miliáriu ida ne'ebé di'ak, ne'ebé mak suporta konstrusaun ba **halimar-fatin hamutuk 127** iha munisípiu 13, ho kolaborasaun hosi Programa Nasionál Dezenvolvimentu Suku (PNDS). Maibé iha 2023, tanba PNDS iha mudansa ba ninia projetu foku sira, HANDS hahú fali uza modelu konstrusaun ida-ne'ebé lidera hosi comunidade de'it. Nune'e oras ne'e HANDS fó apoiu diretamente ba comunidade sira hodi sira bele harii sira-nia halimar-fatin rasik, ne'ebé sira rasik mós dezeña!

Komponente ida-ne'e iha tarjetu mak atu kompleta konstrusaun ba halimar-fatin 150 to'o tinan 2024 nia rohan.



Ha'u hakarak kongratula Ministério da Educação nia programa HANDS ba serbisu di'ak hotu ne'ebé hala'o ona iha 2023. Serbisu hirak-ne'e ajuda ona labarik sira iha Timor-Leste hodi hetan qualidade edukasaun di'ak hodi kontribui ba dezenvolvimentu nasaun nian. Hanesan diretór jerál ba Educação Pre-escolar, Ensino Basico e Recorrente, Ha'u haksolok tebes hodi haree labarik sira iha tempu agora ne'ebé bele hetan asesu ba edukasaun kompara ho ha'u nia tempu iha dékada hira liu ba. Inan-aman sira mós hatudu tebes importánsia ba edukasaun liuhosi sira-nia suporta siknifikativu ba labarik sira-nia edukasaun.

Iha 2024, Ministério da Educação liuhosi Direção Nacional Educação Pre-escolar (DNEPE) hamutuk ho programa HANDS iha kompromisu hodi kontínua suporta pre-eskolár iha Timor-Leste no kontínua enkoraja inan-aman sira atu lori labarik sira ba eskola. Suporta mós manorin sira iha hasa'e kapasitasaun atu bele fornese qualidade edukasaun di'ak iha pre-eskolár.

- Sr. Apolinario Serpa Rosa

Diretor Gerál Educação Pre-escolar, Ensino Basico e Recorrente

